

**JOANNI QUINTO
POTENTISSIMO
LUSITANIAE REGI
CARMEN DE SOLEMNI
POMPA EJUSDEM...**

Antonio Francesco Felici



Admonitio ad Lectorem,

C Armen de Solemni Pompa, inclyto Lusitania
Regis Nomini ab Eminentiss. Cardinali
NUNNO de Cũha instituta, festinanter con-
scriptum, eiusdemque amplissimi Cardinalis iussu,
Auctore etiam atque etiam obnitente, editum, ha-
bes, amice Lector. Siquid desiderio tuo, tuaque
expectationi minus accommodum offenderis, aequi,
boniq; consule: Nullam etenim ex hoc laudem Auctor
aucupatur, cui tota laus erit, benignissimi erga se
Principis voluntati obtemperasse. Vale.



CAR-



CARMEN



Uæ nova Romuleis miracula Collibus? Æther
 Quo resonat plausu? quæ publica gaudia? Nomen
 Dum celebrat, REX magne, tuum, argumentaque NUNNUS
 Sinceræ fidei, votivaque pignora libat.
 Ille etenim centum Proavis illustribus ortus,
 Lusitadum decus ingens, Purpureiq: Senatus
 Summus honos, sacræ tutelaq: Relligionis,
 Innumeras dispergit opes, curasque fatigat
 Artificum, Vatumque, & nomina magna Choraulas,

A 2

Au-

Augusto REGI meritos ut gratus honores
Instituatur, festas & digeratur ordine pompas.

Est Via, quæ mediam dirimit longissima Romam,
Cardine ab Arctæo adversum porrecta sub Austrum,
Annua quâ personatus ciet Orgia Bacchus,
Hippodromumque fugax terit ungula Quadrupedantis.
Celsa Domus NUNNI sedet hic; anaglyptica fronte
Ornamenta nitent: intus Conclavia multo
Collucent auro; Tabularum culta supellex,
Et quotquot raris variata Aulæa figuris
Belgica finxit acus, pendent de pariete summo,
Hospitis indicium generosi. panditur ingens
Aula; Tholi in speciem vertit sinuata Lacunar
Purpura; sublimes hinc, atque hinc Purpura muros
Vestibat, tænijs intercurrentibus aureis.
Multa Tholo suspensa Faces chrysellina Lampas
Accendit; Facibus paries micat omnis, & ardet
Nox mentita diem: scutulata reverberat ignes
Chrysellus; Speculis Lux alternantibus orta
Vincitur, & vincit, ludente per aera flammâ.
In medio surgit Tentoria subter Imago.
Hic Rex magnanimus, pace inclytus, inclytus armis
Spirat in effigie, quam plurima gemma coronat.
Sed jam tempus adest; subito cum fervere visi
Ausonij Proceres; concurritur undique: primum
Conspicuos Ostro Patres, gravitate verendos,
Excepit NUNNUS; paribusq; sedilibus omnes

Ma-

Matronæ, Latîæque Nurus in divite pèplo
 Adstabant: Tyrîæ Vestes, & candida Byssus
 Monstrantur; multis per lactea colla, per armos
 Flammea descendunt; pretiosa Monilia Gemmis;
 Armillæ gemmis, gemmisque renidet Inauris.
 Mox et punicea decorat quos Cyclade Princeps,
 Dicere jura reis, & verba forensia jussos,
 Romanosque Equites, magnam longo ordine Turbâ
 Cernere erat latè; reprimat vix massa catenarum,
 Et custoditæ cataphracto milite portæ.
 Undantem foribus populum; plena Atria; pleni
 Sclarumque gradus; numero Domus ampla fatiscit.
 Signo jamque dato per musica pègmata, centum
 Ad Cytharas properare manus; fidibusque canoris,
 Atque gravi Lituo sonitum quoque Tibia miscet.
 Dulce melos bibitur. modulis vox terna paratis
 Solvitur. Aula silet, pendetque canentis ab ore.
 Nympha Tagi Phyllis teneros suspirat amores
 Tyrssidis; ingratum Tyrsin deserta vocabat.
 Chloris adest, Chloris Nympham miserata dolentem est.
 Hujus ope, & lacrymis permotus Phyllidis, alto
 Pectore duritiem sensim excutit, & placidum ignem
 Rursus alit Tyrsis, veteresque instaurat amores.
 Mox Lusitani, concordî fœdere, REGIS
 Alternis laudes modulantur, grandia gesta
 Commemorant, cantuque vocant Dominumq; Parentemq;
 At postquam longum sonuit concentibus Aula;

Par-

Parva mora est, Epulum NUNNUS quâ grande paravit,
Itur: dispositæ patuerunt ordine Mensæ.

Quis numerum Escarum, referat quis nomina? namque
Haud tantum lactis quos pulte domestica dudum
Cors aluit pullos; tercentum lancibus offert
Quæstas sylvis, quæstas æquoris unda

Externas Volucres. Atagen, Miliaria, Perdix,
Et quæ novit Avis peregrinam Phasidis oram,
Orbibus apposita est. Quis Poma recentia dicat,
Indolis et variæ quis conditanea Poma?

Alcinoi Autumnus quibus invidet. Amphora multo
Circumlata mero est. Spumant Crateribus aureis
Cæcuba; quæque tuus, felix Burgundia, palmes,
Palmes quæque tuus stillat, nemorosa Zacynthos.
Mensarum medium, simul et latera omnia celsæ
Ornant Pyramides; sunt hîc Bellaria, sunt hîc
Plurima Saccharco condita Tragemata melle.

Principio ingressi Proceres, & Honestior Ordo,
Non servire gulæ; solo gaudere paratu,
Aspectuque ipso cupiunt; data munera libant
Gratantes, fruiturq; datis sic splendidus Hospes.
Sed mox cum verso referantur cardine valvæ,

Quâ data porta, ruit populus; tunc agmine facto
Instat nota Cohors, Procerum quæ cursitat Ædes,
Et solita est differre famem, jejunia longa
Ut redimat raptò quæstis turpiter Escis
More Arabum; Disco interdum luctatur in uno,

Cru.

Cruſtula, Paſtilloſque inhians dum captat; anhelis
 Unguibus at nimium compreſſa ſolutilis eſca
 Frangitur, & dolci vaneſcit pulvere præda.
 Nunc tamen ut magno mirantur Edulia acervo
 Creſcere, multiplicetque Dapes, manus utraque lances
 Diripit; impatiensque moræ ſeditiſſima Ventris
 Ingluvies, non maxillis, non dentibus uſum
 Permittit; ſolidos artus, atque integra fruſta
 Ore vorant, & jure vides rorantia menta,
 Rorantesque genas. ſtomachi jam pondere obefi
 Cedere viſa gula eſt. Sed Turba famelica, quamvis
 Laſſa cibus, non eſt ſatiata, famique futuræ
 Conſulit; hic pileo condit, conditque crumenis
 Ille ſupervacuas epulas: ſudaria multi
 Scriblitis onerant, aſſiſque volucris: omnes
 Abſcedunt hilares, et Xenia ſordida portant.
 Quodque magis ſtupeas, inhoneſta, expersque pudoris
 Improba Gens, coram tot Spectatoribus, audax
 Urget opus; quin ridentes interrिता ridet.
 Sic modo conſumptis dapibus, menſiſque remotis,
 Luſibus indulget, Luſoriaq: arma capeſſit
 Omnis Nobilium cætus; Matronaque princeps
 Invitat, geminis & colluſoribus uſa
 Ludum agit, Hiſpano retulit qui nomine nomen.
 Parte alia multos Latrunculus urget eburnus.
 At reliqui, quibus Alveolus, quibus Alea damno eſt,
 Lege cient ſaltus, juvat exercere Choreas,

Du-

Ducere & ad numeros alterna volumina crurum.
 Omnibus hæc mens est tranquilla per otia tempus
 Fallere; sic totam consumunt ludicra noctem;
 Felicem Noctem, quam nullo aboleverit ætas
 Tempore, dum magni signata est Nomine REGIS.
 Ah redeas numerosa, precor, Pyliamque Senectam:
 Et REGI, NUNNOQUE feras, longumque per ævum
 Alter honore pari celebret, celebretur & Alter.

